

# Icfai university convocation

## Zirlai chu chhungkua khawtlang ram leh hnam tana chhenfakawm nih tum tur a ni: Larsap

AIZAWL: NOVEMBER 09

ICFAI university chuan nimin khan an campus, Durtlang north-ah convocation vawi 2-na an hmang a, larsap Vakkom Purusothaman chuan a hmanpui a, hun reilote chhunga zirna in tha leh fak tlak zirlai leh thawktute bula hun a hmang thei chu lawmawm a tih zia a sawi.

Mizoram larsap chuan mihring nun hi eng lai pawh a thil zir tur, thawk chhuak tur leh hmalam pana kal tur anih angin zirlaite chu an nunah sumdawna a ni emaw sorkar hna, zirtir hna, politics emaw thil siam lamah pawh nise an tum ber fo tur erawh chu



chungkua, khawtlang, ram leh hnam tana mi chhenfakawm nih tum a ni ang, a ti. State ralmuang leh zalen tak Mizoramah hian engkawng pawh zawh dawn ila rem channa tha tak a awm avangin Mizoram sum leh pai dinhmun ti phuisui tur pawhin heng remchanna te hi hman thiam a pawimawh a ni a ti

bawk a ni.

MLA inthlan tur chungchang sawiin larsap chuan thalaite chu an dikna leh chanvo hre tur leh ram siamna kawnga an vote pawimawhna hria a rilru leh tih takzeta an mi duh thlang turin a fuih bawk a ni.

Hun hi vice chancellor JP Ramappa in a kaihhruai a, university hma-

sawn dan chanchin a sawi a. Convocation-ah hian ICFAI university atanga kum 2013-a zirzo mi 82 te hnenah degree (UG & PG) hlan a nih bakah kumina zirlai ti tha bik te hnenah medal hian a ni bawk. Registrar Samuel Lalnunzira chuan lawmthu sawiin, convocation hun tawp a hmang bawk a ni.

Mizoram legislative assembly-in ICFAI University Act hi kum 2006 khan a passed hnuah university hi din a ni a. ICFAI society - sumdawng ni lo (not-for-profit) in a sponsor mek niin UGC Act 1956, section 22 hnuaiyah degrees pek theihna a nei a ni.